

鄭氏瘡科保赤金丹

餘姚翁致用



鄭氏瘡科保赤金丹卷之四

眼光如水  
眼眶紅爛

羞明赤腫

音

淚生翳第七十四

眼光如水是何因肝腎之熱極而興未發初潮必見

此如無斯候別病侵

目赤眩爛淚常淋非失謹風即煙薰治若不早成痼

疾急為疏通奏奇勳

熱毒餘毒上攻日羞明怕日眵淚多暴赤腫閉目生

翳眼眶皮爛宜清毒

眼光如水此肝腎兩經熱極所致乃瘡之正候也

未發熱與初熱之間有此症者方為出瘡之候如



無此症卽非瘡候如有瘡毒入目生翳障者以蟬  
菊散主之如熱毒上攻眼目生翳并暴赤羞明者  
用羌菊散主之大便滑者去大黃少加生枳殼微  
導之如瘡後餘毒不解上攻眼目羞明怕日雲翳  
眵淚俱多紅赤腫閉用羚羊角散去黃芪升麻加  
連翹牛蒡子黃連主之加穀精草蜜蒙花如眼紅  
加木賊草龍胆草如瘡後眼目生翳目赤紅腫眼  
眶皮爛俱宜用朱純嘏加減清毒撥翳湯主之其  
有眼眶紅爛常多淚者其症多因瘡之正收時及  
瘡收後不避風寒爲風熱所侵或被煙薰皆能令

目赤眩爛而常流淚當卽爲疏解急以柴胡飲子

治之若日久不治則爲終身痼疾

蟬菊飲

治痘瘡入目或病後生翳障

蟬蛻

去土取淨

白菊花

去梗葉淨

各等分爲末水煎加蜜汁少許再煎

食後溫服

羌菊散

羌活

白菊花

蟬退

防風

木賊

枝仁

大黃

穀精草

白蒺藜

黃連

沙苑

蒺梨

甘草

爲末清米水調下一錢

羚羊角散

羚羊角

銹屑

黃芩

草決明

車前子

防風

大黃

芒硝

黃芪

升麻

水煎稍熱



服

朱純緞加減清毒撥翳湯 此方最驗可隨症加減

生地黄 甘菊花 黃芩 酒炒 牛蒡子 連翹

當歸尾 柴胡 川芎 紅花 木賊

美草決明 炒 白蒺藜 甘草 水煎服

柴胡飲子 治風熱眼眶赤爛 柴胡 羌活 防

風 赤芍 桔梗 荆芥 生地黄 甘草 五分

水煎熱服

眼閉第七十五

未曾睡着閉雙眸脾經火旺欠清消正收收後多見



北京中醫藥大學圖書館版權所有

此急宜利水清上焦

眼閉之症非熟睡而兩目閉謂未曾睡熟而雙目自閉也其症多見於正收及收後蓋因脾經之火旺盛未消而然治宜清上焦之熱兼以利水為急以瀉白散加木通薄荷葉元參牛蒡子連翹荆芥治之火退而目自開矣

或問脾火旺當用瀉黃散而用瀉白散何也曰土為金之母實則瀉其子也

瀉白散

治肺熱咳嗽手足心熱

桑白皮

地骨

皮

炙甘草

淡竹葉一把

糯米一百粒引

水煎服 加陳皮桔梗亦名加味瀉白散有熱更  
加知母黃芩 或問地骨皮乃三焦氣分藥而瀉  
白散用之何義也曰三焦屬腎腎爲肺之子實則  
瀉其子也或曰唯

眼多眵淚第七十六

眼多眵涕本屬熱脾肺二經火未息無分初起與收  
後清降肝脾火爲急

眼生眵涕者脾肺火甚故也見此症者無分前後  
卽當清降肝脾之火以瀉白散

見七十  
五條

除甘草加

龍胆草治之

白珠紅赤第七十七

白珠絡屬手太陰初熱紅赤是本經正收收後仍紅赤肺家風熱猶未清

目之白珠屬肺今瘖之發正合本臟故初發熱之

時未出瘖之際目即赤紅此正候也如出現後及

正收與收後而白睛仍然赤紅者此乃肺經風熱

未盡所致宜清肺瀉火為急以瀉白散見七十加

荆芥薄荷葉連翹元參牛蒡子治之赤而腫痛者

風熱上壅也以加味導赤散見四十加荆芥治之

雀盲第七十八

見四十條

加荆芥治之





瘖發於心火焯焯丙丁反侮壬癸鄉以致瘖後患雀  
盲照月夜靈四六湯

雀目者每至日暮而眼不能見物是也又名雞目  
瞎又名高風障經曰眼得血而能視肝藏血肝血  
有虧兼之火邪旺盛熬乾壬癸津血虧耗致病雀  
目至日暮屬陰之時而目不能視物矣治法宜以  
四物湯見二十  
五條合六味地黃湯加石決明夜明砂  
主之或以照月飲決明夜靈散治之亦可

六味地黃湯 熟地黃 山萸肉 淮山藥 白朮

苓 牡丹皮 澤瀉 水煎空心服



照月飲 治雀目立效 眞雄黃研細水用活雞剖

開取熱肝搗極爛入雄黃末五厘温酒調服

决明夜靈散 治男婦大小眼目至暮則昏夜開離

有燈光月亮不能視物 石决明炒夜明砂

味各二兩 公豬肝一兩 母豬及瘟猪之肝切

右肝勿犯鐵器以竹刀切肝作兩片將藥末鋪於

一片肝上將第二片肝蓋合用線紮緊勿令藥末

漏出放入砂罐內以淘米泔水一大碗煮肝煮至

米泔僅存小半碗時去火於臥時以藥肝與汁一

齊與服



前方石決明鎮腎益精以之爲君 夜明砂升陽

主夜以之爲臣 米泔水主脾胃以之爲佐

與肝合以類相從引入肝經以之爲使

口氣臭第七十九

足陽明經有蘊熱口中因之有穢息倘或臭氣不可聞縱是神仙醫不得

口氣穢濁乃熱邪蘊隆於胃宜以清金降火之劑

爲急以清胃散少用升麻以開提胃氣加連翹牛

蒡子治之如瘡收之後有口臭口瘡唇爛兼之咽

喉疼痛者以生地敗毒散除去赤芍桔梗甘草柴



胡加連翹治之其有口臭不可聞者此是胃爛必死之症若其人原有口臭者則不在此例當詳問施治

清胃散 症治與六十二條加味清胃散同

黃<sup>四</sup>當歸

黃連

酒蒸各三錢

升麻

一錢五分

丹皮

五錢

石

羔<sup>一兩或二兩</sup>  
隨症使用

水蘆根

一兩

生地敗毒散

生地黃

丹皮

黃芩

酒炒

柴胡

牛蒡子

炒

連翹

天花粉

元參

金銀花

桔梗

薄荷葉

黃柏

赤芍

生甘草

生石羔

淡竹葉

燈芯五十寸引水煎另



以犀角磨汁對服

口瘡八十

心脾胃經毒未降熱壅上焦口生瘡滿口脣舌俱赤爛獨有牙齦不受傷

口瘡之症滿口脣舌生瘡或黃或赤或白而爛獨牙齦無恙者是也其症多見於正收及收後乃心脾胃三經火甚餘熱未盡而毒壅上焦下必大便燥結小便赤澀治宜清利心脾之火兼潤大腸之劑以導赤散見二十去甘草加猪苓澤瀉以導脾胃之火火麻仁杏仁以潤大腸之燥若得大便通

利小便頻行其毒自退外以綠袍散吹之如乳下  
嬰兒乳母有熱亦當服藥使乳無熱兒亦清安以  
釀乳方去甘草與乳母服之若瘡收之後口瘡唇  
裂者俱宜以秘本洗心散去麻黃或以河間涼膈  
散見二十  
六條去芒硝甘草俱加石羔牛蒡子下之如  
係牙疳之症則又從牙疳門施治

綠袍散

治一切口瘡腐爛

荆芥穗

薄荷葉

青黛

各三錢

元明粉

硼沙

各二錢

百藥煎

二錢五分

甘草

一錢五分

爲末點舌上令其自化或用新汲井水和蜜

調點舌上亦可



釀乳方 木通 澤瀉 猪苓 生地黃 赤茯苓

天花粉 連翹 黃芩 山茵陳 甘草梢 燈

芯引水煎 右藥俟乳母食後令捏去宿乳服之

服後令乳母仰臥使藥味傳貫於乳再令乳母略

去乳汁少許然後以乳哺兒仍以此藥與兒同服

秘本洗心散 專治口舌生瘡 當歸 生地黃

木通 黃連 大黃 薄荷葉 麻黃茸 各等

分燈芯引水煎服

舌生白珠第八十一

舌上藥壘生白珠心脾鬱熱致災危急宜清心與降



火依法調治症自除

舌者心之苗而脾肺又絡於舌心脾二經之熱無

所洩而發於舌故舌生白珠纍纍如粟甚則上腭

牙齦滿口遍生其症多見於正收及收後法當以

朱氏洗心散去甘草加黃連或加味導赤散見四十九

條加麥冬治之如大便不通者以洗心湯去赤芍

甘草合瀉心湯加石羔牛蒡子或以河閒涼膈散

見二十六條去芒硝甘草加黃連石羔牛蒡子治之外

以桑白皮搗自然汁塗之或用塗方塗之或用綠

袍散見八條點之如食乳孩子以釀乳方見八條去甘





草與乳母服之

朱氏洗心散 治心經有熱口舌生瘡白珠等症

生地黃 枯黃芩 麥冬 歸尾 知母 薄荷

葉 甘草 鮮藕節 側柏葉引 甚者加黃連

水煎服

洗心湯 治心熱白珠滿口之便不通 防風 荆

芥 黃芩 木通 大黃 連翹 生地黃 歸

尾 赤芍 甘草 燈芯引 水煎服 一書無

赤芍有黃連 有潮熱加柴胡羌活 一書有潮

熱加黃連骨皮元參黃柏枝仁

